

Symma Juris Canonici

Comprehensa Tribus Partibus In Qva Distincte Et Succincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

Sive Commentarius In Regulas Juris Pontificii, Quæ In Libro Quinto, Et
Sexto Decretalium Continentur

Strein, Johann

Coloniæ Agrippinæ, 1659

Regula XI. Cum sunt partium iura obscura, reo favendum est, potius quam
actori.

[urn:nbn:de:hbz:466:1-61853](#)

Obj. 3. Si invaserit aut prædum prædum meum urbanum locaverit Titio, quamvis ratam habuero locationem, nulla mihi locatio conceditur adversus Titum conductorem l. si Urbana. tit. de cond. indeb. quomodo igitur ratihabito mandato comparatur quoad effectum?

R. Suppono, Titum bonâ fide, & ignoranter contractum iniisse cum injusto possessore, quo stante ad solutionem tenetur prædoni, adeoque vicissim inter illos actio locum habet: hoc vero non obstat, quod minus vero domino jus suum maneat, qui contra locantem, pro injuria illatam, & mercede per Titum solutam in judicio experiri potest. V. Gottesf. in l. cit.

Obj. 4. Fictio naturam imitatur. §. adoptio. Inst. de adopt. nec plus illi, quam veritati tribuendum. l. filio quem. sit. de lib. & postb. Non ergo poterit fieri in ratihabitione, quod impossibile est. Contingit autem, ut ratum habens,

vel longissime absit, vel ignoret, quid agatur, vel denique furiosus sit, ita ut non posset mandare.

R. Fictio quæ in ratihabitione adhibetur, non respicit impossibile quid, neque rem, & actionem ipsam, prout est, vel existere posset, sed per aliquam interpretationem ex affectu ratihabentis sumit & admittit huc & nunc agi ea, quæ si vere à parte rei agerentur, talem effectum haberent. Memineris, hac moralia esse, non physica aut mathematica, ac proinde ab illis desumptæ consecutiones nihil operantur. V. Decim. in Reg. tit. Omnia ferè 153. Everard. in Topicu. Avi fictionis. Pichard. in princip. Institut. quib. mod. testam. infirm. num. 5. Gonsal. de Reg. 8. Cancell. Gloss. 51. nu. 28. Rot. Decis. 104. n. 3. & Decis. 266. num. 8. Decian. l. 1. resp. III. n. 150. Ivan. Mar. Novar. Question. forens. l. 1. quest. 143. n. 13. Frane. Mol. de rita Nuptiar. l. 1. Compar. 26. Barbos in axiom. 97. Bronchorsl. Cent. 2. off. 48.

REGVLA XI

Cum sunt partium iura obscuræ, reo favendum est, potius quam actori.

SVmpta est ex l. favorabiliores. 125. tir. Sderog. jur. c. Inter dilectos de fide instrum. &c. Cūm ad sedem de restit. spoliat. &c. Ex literis de probationibus. His pos- sitis:

I. Notandum est, quia judicium fo- rense ex tribus personis constituitur, Iudice, nimis, Actore, & Reo, par-

tes vocari eos, qui litigant, Actorem, & Reum, vel quæ constituunt judicium normam, accusando, & defendendo, vel quia ita divisi, ac separati sint per diversitatem intentionis, & oppositio- nis, ut una pars, alteri conficiari nequeat, quamdiu flagrat judicandi con- tentio: ob quam causam stare seorsim à eis

Sed disjuncti ad tribunal solent, ut qui diversæ partis, seu factionis sint; Vel denique quæ partes sunt jure agendi. Tam enim agendi, quæm' refellendi ex quo concessa licentia est. Deinde Observum claro opponitur. Hinc clari Oratores, & philosophi dicuntur, quorum gesta, & monumenta in oculis sunt, obscuri, quos pauci norunt. Clarus dies, quem Solis su' gor illuminat, obstrusus, quem caligo obnubilat. Scientia item clara, & evidens ab opinione, fide, & suspicione distinguitur, quod in his obscuritas locum habeat. Iura igitur, probationes, documenta, & instrumenta tunc obscura dicuntur, quando iudicis animum suspendunt, & detinunt, ut clarè non videat, ubi Veritas, & iustitia lateat. Quemadmodum dum viator si bivium, vel trivium occurrat, ancepit hæret, nec quæ sit eundem, distinet novit. Iura obscura ergo dubia probations dicuntur, de quarum aestimatione, & pretio non liquit, quæm' ad modum dubiam cœnam Veteres appellabant, quæ ciborum copia, & varietate distraheret convivas, ut quid potissimum ex omnibus carpendum esset, ignorarent. Alexander Consil. II. l. 2. Dicimus in Reg. Semper in obscuris?

II. Reo favere, non est vago & inordinato affectu illius causam tueri, quasi gratia indebita prævalere æquitate debet; sed quod ipsi utile, & secundum iurationem conveniens est, amore justi tribuere; non contra, sed potius in commodum ipsius, quando res dubia est, præsumendo. Tam diu enim habebi bonus & innocens debet, donec consummum probetur: idq; tam in civili-

bus, quam criminalibus causis. V. Ever. Bronchorst Centur. 4. assert. 98. Igitur quando in iudicio accidit, ut neque hujus partis, neque illius allegata præpondent, sed quasi in medio litem destituant, absolvendum potius reum, quam condemnandum regula nostra præcipit. Ratio ex cit. legibus desuntur. Melius namque est, nocentem absolvere, quam innocentem damnare. l. absentem. tit. de pœnis. & minus periculoso censetur errare per excessum in benignitate, quam saevitiam in asperitate. Misericordiam volo, & non sacrificium, ait Dominus. c. Ponderet. diff. 50. Adde, quod reus inopinatè ad iudicium trahitur ab adversario benè præmeditato, & instructo, ut meritò ignoscendum illi, si causam suam minori cum industria & contentione propugnet. Dynus. & Vivianus in Comm. Reg. huius. Damasus in Reg. 39. Scribanus in Polit. Christiano. c 9. His superaddit. Aliam causam Caramuel in Theol. fundam. n. 60. quod præsumendum sit pro possessione, in qua reus, ad iudicium protractus persistit.

III. Amplia 1. ut valeat etiam in reo, qui per accidens Actor est, ut, si petat adversario imponi silentium, qui jactat se creditorem esse. l. diffamari. C. de ingenuis manumissis. 2. etiam si eus nullum jus habeat, & solo possessionis nomine munitus sit. Nam alijs etiam in pari causâ turpitudinis potior est conditio possidentis. 3. quanvis in se recepisset onus probandi, & minus benè exequatur. 4. Licit boni nominis præjudicio ab Actorē superetur. 5. etiam si causa fisci esset. 6. non ob-

H. 3. stante;

stante, quod Aetor prætendat, se in possessione juris esse, de quo agitur. 7. Denique quamvis pro Actore testes essent clariores. Nam si crimen probatum sit per duos clericos, & pro reo stent duo laici, in favorem ipsius prævalebunt clericis laici. c. cleric. dñs. 8. adeò cura fuit majoribus nostris sovere innocentiam quamvis dubiam, & incertam, ut ab omni periculo iniquitatis, & erroris, quam fieri potest, in judicando simus remotissimi. Barbos. axiomate 20.

IV. Sunt eamen causæ quædam, in quibus contraria Iuris dispositio Actori magis quam reo favet. 1. est Matrimonii, Reg. Nuptias 30. tit. 2. Liberratis, Reg. Quoties 20. tit. 3. Dotis, Reg. In ambiguis, 85. tit. 4. Testamenti. Reg. In testamentis, 12. tit. 6. Si quis 33. c. fin. de sent. & re iudicata. ubi Gregor. IX. Duobus judicibus diversas sententias proferentibus, si ex jurisdictione ordinariæ processerunt, tenet pro reo, non pro actore sententia, nisi in causâ favorabili, puta, Matrimonio, libertate, dote, vel testamento pro ipso fuerit promulgata. Eodem pertinet causa alimentorum, pro quibus in dubio semper judicandum est. Imò Tiraquell. ad quam c. piam causam extendit. V. Barbos. in cit.

Obj. 1. Iudicium in favorem Actoris introductum est, ut quod suum est, repetat, & consequatur: ac proinde

quemadmodum actor favorable principium habet, l. de dietit. Qui satis cogita etiam media, & finis eidem favere debent. l. Pomponius. tit. de acquir. possess.

R. Iudicium pro utroque institutum Actore scilicet & reo, sed quæ actio non præsumitur velle malignari, aut calumniam intentare, benignè auditur. At postquam ex allegatis, & adversarii refutatione causa est ad æquilibrium protracta, ut hæreat in pronuncianda sententiâ Iudex, non actori, sed reo favendum, quia hæc via securior est. v. Galli. l. 1. obs. 22. n. 4.

Obj. 2. In causis criminalibus licet crimen non sit probatum, reo tamen purgandi sui causâ juramentum offeratur. Nullus hic favor appetit. l. presenti. c. de his. qui ad Ecclesiam fugerunt.

R. Reo nunquam offeratur juramentum, quando paritas est inter illum, & Actorem, quod Regula nostra vult, sed quando præsumptione aliqua gravatur; vel animæ periculum imminet. v. Sanch. l. 7. d. matrim. d. 131. n. ult.

Pro aliis Objectionibus non est necessaria solutio alia, quam ut attendes bene, num jura utimque pariter obsecra sint. Sublatâ enim paritate, illi, qua præpondere rat, prærogativa debeatur,

REGY.